

九景醫鑑

元彙醫鏡

元彙醫鏡卷之三

呂氏春秋曰巫彭作醫巫咸作筮



物原曰神農始究

息脈辨藥性制鍼灸作醫方 軒轅臣巫彭始製藥

丸 伊尹始創煎藥秦和始爲醫方 郭璞巫山賦

云巫咸以鴻術爲帝堯之醫皆本義說大抵仙聖先

賢無不知生死之危不然而以何爲之道哉 帝王

世紀曰黃帝使岐伯嘗味草木典醫療病今經方本

草之書咸出焉

R2-53
4

周禮曰疾醫掌萬民之疾病四時皆有癘疾春時有瘡

首疾

瘡酸削也
首疾頭病

夏時有痒疥疾秋時有瘧寒疾冬時

有嗽上氣疾以五味五穀五藥養其病

養猶治也

以五氣

五聲五色眡其生死凡五味者鹹苦酸辛甘五穀者

麻黍稷麥苳五藥者草木石蟲穀五氣者卽五臟所

發之氣心肝脾肺腎也五聲者言語所出之聲卽宮

商角徵羽也五色者面貌所見之色青黃赤白黑也

五者皆屬五行凡相生則生相尅則死故以此眡之

兩之以九竅之變參之以九藏之動九竅謂陽竅七
兩耳兩目兩鼻口也陰竅二大二小府也兩之謂陰
陽變謂陰陽之變九竅謂神藏五即心肝脾肺腎也
形藏四即耳目口鼻也參之謂陰陽與冲氣動謂脈
候之動兼胃膀胱大腸小腸而爲九藏按氣與脈而
察其死生之驗也 白帖曰通五味五穀之資必順
其志參九臟九竅之變無逆于時 周禮曰瘍醫掌
腫瘍潰瘍折瘍之祝藥劑殺之齊凡瘍療以五毒攻

之以五氣養之以五藥療之以五味節之凡藥以酸
養骨以辛養筋以鹹養脈以苦養氣以甘養肉以滑
養乳凡有瘍受其藥焉

劑與
括同

食醫

方技傳 周禮食醫以保王備物爲養日保其天和俾

歛福乎干平康而苛疾無作經曰不治已病治未病

食醫治未病之道也夫食味隸內饗可矣不隸內饗
可矣不隸內饗隸醫師前未然之防

上醫

國語 晉平公有疾秦伯使醫和視之出曰疾不可爲
也是謂遠男而近女惑以生蠱非鬼非食蠱以喪志
良醫不生天命不佑趙文子曰醫及國家乎對曰上
醫醫其國次醫救人固設醫官也

官猶
職也

藝文志太古

有岐伯余跗中世有扁鵲秦和蓋論病以及國原診
以知政 梁簡文勸醫文秦國之稱和緩季梁之遇
盧氏號太子之值越人皆反正緒于立都揚已名于

綠籍

十全

周禮

醫師掌醫之政令聚毒藥

藥之辛苦者

以供醫事凡

邦之有疾病疔瘍者造焉則使其醫治之歲終則稽其醫事以制其食十全爲上十失一次之十失二次之十失三次之十失四爲下

頭瘡曰疔匹痺切身瘡曰瘍

萬變

呂子曰良醫病萬變藥亦萬變病變而藥不變向之毒

民今爲殤子矣

見垣一方

史記 扁鵲者渤海鄭人也姓秦名越人少時遇長桑

君曰我有禁方年老欲傳與公公毋泄乃出懷中藥
與扁鵲飲以上池之水三十日當知物矣乃悉取其
禁方書盡與扁鵲忽不見扁鵲以其言飲藥三十日
視見垣一方人以此視病盡見五臟癥結特以診視
爲名耳索隱曰上池水謂水未至地蓋承取天露及

竹木上水和藥服之三十日當見鬼物也見垣言能
隔墻見彼邊之人劉自窮曰能醫衆人者亦當先識
本身而本身堅固無漏之咎故曰先修其身而後志
慧光生圓滿以此依爲醫聖

名聞諸侯

鵲冠子 魏文侯問扁鵲曰子昆弟三人孰最善爲醫
對曰長兄于病視神未有形而除之故名不出子家
中兄治病不出于毫毛故名不出于閭若扁鵲者鑱

血脈投毒藥副肌膚間故名出聞于諸侯文侯曰善
使管子行醫術以扁鵲之道文公幾成其霸乎
扁鵲
盧國
人故名盧醫後爲秦之
太醫與道相爲表裏

望色聽聲

史記 越人之爲方也不待切脈望色聽聲寫形言病
所在

史記 虢太子死扁鵲曰臣能生之使弟子陽厲鍼砥
石以取外三陽五會有間太子蘇 賓戲曰和鵲登

精于鍼石師曠清耳于管絃

割皮解肌

扁鵲曰上古之醫有余跗療病不以湯液醪醴乃割皮
解肌湔洗腸胃漱滌五臟

解顱理腦

抱朴子 淳于解顱而理腦文摯愆筋以療危困仲景

穿胸以納赤餅

太倉公覆姓淳于名意受
禁方治病決死生多驗

膠葛云倉

公夢遊蓬萊山見宮室崔嵬金碧璀璨光輝射目忽

來一童子以杯水進倉公飲畢五內寒徹仰首見殿
榜曰上池仙館始知所飲乃上池水也繇是神于診
脈

攻腠理

袁淮正論曰良醫療病攻腠理 扁鵲遇齊桓侯客之

入見曰君有疾在腠理不治將深復見曰君有疾在
血脈不治將深後五日復見曰君有疾在腸胃不治
將深桓侯俱不應後見桓侯而反走曰疾在骨髓針

灸湯藥皆不及也數日桓侯病召扁鵲鵲已逃公乃卒 稽康養生論曰桓侯抱將死之疾怒扁鵲之先見以覺痛之日爲病之始也害成于微而救于著故有無功之治

理未然

柳公綽太醫箴曰醫之上者理于未然柳宗元賦曰上醫療未萌之兆

居膏盲

左傳

晉侯求醫于秦伯秦伯使醫緩

名緩

治之未至公

夢二豎子曰彼良醫也懼傷我焉逃之其一曰居盲之上膏之下將若我何緩至曰疾不可爲也在盲之上膏之下攻之不可達針之不可及藥不至焉公曰良醫也厚禮而歸之心在上鬲在下心上有微脂爲膏鬲上有薄膜爲盲二豎居膏盲之上下則于臟腑畧無所係爲至虛之處非經絡穴道所關故曰藥不至也

入靈府

隋書 秦王俊有疾上召許智藏治之王夢其亡妃崔氏泣曰本來相迎許智藏至當必相苦奈何明夜俊又夢曰妾得計矣當入靈府避之及智藏至爲俊診脈曰疾已入心當卽發痼不可救也果數日薨

解三縛

後周 姚僧坦善醫伊婁穆自腰至臍似有三縛僧坦處三劑初服上縛卽解次服中縛卽解又服三縛悉